



UNIVERSITI
TEKNOLOGI
MARA

Cawangan Terengganu

INFO US\$AHAWAN

PENAUNG:

DR ROSMAN MAHMOOD

CHIEF EDITOR/KETUA EDITOR:

PUAN NIK FAZLIN HIRYATI NIK JAAFAR

MANAGING EDITOR/EDITOR URUSAN:

CIK NOOR MALINJASARI BINTI ALI

EDITOR

PUAN SUZILA MAT SALLEH
PUAN NASIHA ABDULLAH
PUAN NORHAYATI HUSIN
PUAN ROSEZIAHAZNI ABD GHANI
PUAN 'ATIQA RASHIDAH ABU SAMAH
PUAN HASMIDA MOHD NOOR
PUAN RASLINA MOHAMED NOR
PUAN SITI FATIMAH MARDIAH HAMZAH
ENCIK WAN AHMAD KHUSAIRI WAN CHEK

DESIGNER/PEREKABENTUK

ENCIK ABDUL RANI JUSOH
PUAN NOOR HAFIZA MOHAMMED

EDISI
27

No issn:1823-6421

'Perak Incubator Entrepreneurial Program (PIEP)' Pemangkin Keusahawanan Pelajar

Noormahayu Mohd Nasir¹, Norasyikin Abdullah Fahami² dan Nur Hazwani Zolkifly³

^{1,2}Jabatan Pengurusan dan Perniagaan,
UNIVERSITI TEKNOLOGI MARA Cawangan Perak, Kampus Tapah, Tapah, Perak.

³Jabatan Pengurusan dan Perniagaan,
UNIVERSITI TEKNOLOGI MARA Cawangan Perak, Kampus Seri Iskandar, Seri Iskandar, Perak.

*Koresponden: noorm492@uitm.edu.my

Program Perak Incubator Entrepreneurial Program (PIEP) ialah program berteraskan bimbingan keusahawanan secara berterusan selama enam (6) bulan yang telah disertai oleh pelajar UiTM Cawangan Perak dari kedua-dua kampus iaitu Kampus Seri Iskandar dan Kampus Tapah. Program yang diadakan secara atas talian ini telah bermula pada 1 September 2021 sehingga 30 Mac 2022 yang lalu. Program anjuran Malaysian Academy of SME and Entrepreneurship Development (MASMED) UiTM Cawangan Perak ini telah mendapat tajaan penuh daripada pihak MASMED UiTM Cawangan Perak Kampus Tapah.

Seramai 13 orang peserta yang terdiri daripada pelajar pra diploma, diploma dan ijazah dari Jabatan Pengajian Alam Bina dan Teknologi, Fakulti Seni Bina, Perancangan dan Ukur, Fakulti Seni Lukis dan Seni Reka, Fakulti Sains Komputer dan Matematik, Fakulti Perakaunan dan juga Fakulti Sains Gunaan dari Kampus Seri Iskandar dan Tapah telah terpilih untuk mengikuti program tersebut. Para peserta sememangnya telah mempunyai perniagaan masing-masing antaranya berasaskan makanan seperti *cookies*, kek buah dan ayam gunting, tudung dan pakaian, produk-produk kecantikan, perkhidmatan gunting rambut dan juga *surprise services*.

Sepanjang program berlangsung, peserta juga dibimbing oleh lima (5) orang mentor yang terdiri dari kalangan pensyarah UiTM Cawangan Perak yang juga mempunyai perniagaan sendiri. Peserta juga diwajibkan mengikuti pelbagai kursus bagi membangunkan lagi perniagaan mereka. Antara kursus yang telah dihadiri oleh kesemua peserta ialah Bengkel *Personal Branding* oleh *Nuar Storyteller*, Bengkel Pengurusan Rekod Kewangan Perniagaan oleh Pensyarah Perakaunan, Bengkel Skim Pendaftaran Perniagaan Prihatin oleh Suruhanjaya Syarikat Malaysia (SSM), dan Taklimat Tabung Keusahawanan Siswa oleh Koordinator MASMED UiTM Cawangan Perak iaitu Puan Izmayani Saidin.

Program ini boleh dikatakan platform yang baik untuk membantu peserta dalam meningkatkan prestasi perniagaan di samping mengurangkan risiko kegagalan di peringkat awal perniagaan dijalankan. Ianya juga boleh dilihat sebagai strategi untuk melahirkan usahawan yang cekal dan berdaya saing dari kalangan pelajar agar mampu bertahan untuk jangka masa yang panjang dalam dunia perniagaan yang penuh cabaran ini. Walau bagaimanapun, matlamat utama adalah untuk



KHAIRUL ANUAR AZMI

Professional Voice Over Talent & Content Creator Digital Production

RINGKASAN PROFIL

Suara profesional, dinamik, menyeronokkan, bertamaga, meriah dan penuh dengan variasi nada penyalakan, sekejap, tenang & jelas. Berasara basic, bertamaga dengan tenor yang dramatik. Seorang yang berpengalaman, kreatif, serba boleh dan berkeperluan hebat!

ANUGERAH & KEJAYAAN

- Marketing Excellence Awards 2017 Nivosa Raya Campaign "Setulus Belasan Kasih"
- First Instagram Talk Program in Malaysia The EL Live with Elfra Loy
- Online KELAS VO Nuar & Personal Branding in Business

MARI BERHUBUNG!

Telefon: +603-7-619 8860
Email: khairulnuarazmi@gmail.com
Instagram: [nuar_storyteller/](https://www.instagram.com/nuar_storyteller/) [ahmadnuarazmi/](https://www.instagram.com/ahmadnuarazmi/)
Facebook: [khairulnuarazmi](https://www.facebook.com/khairulnuarazmi)

PENGALAMAN KERJA

Pengasas

GP Hustler Agency, 2017 hingga kini

- Menguruskan agensi rika bentuk kreatif dan produksi.
- Bertanggungjawab atas idea kreatif untuk produk, dan menguruskan proses pengembaran kreatif.

Produser Eksekutif

Media PrimaBerhad, 2005 - 2017

- Menghasilkan, mengurus dan menghasilkan kandungan untuk iklan dan kandungan digital.

Penyampai Radio - Hotfm & Koolfm

- Sampaikan maklumat yang jelas, berinformasi dan menghiburkan kepada pendengar.

Voice Over Talent

- Voice over di TV, radio dan platform digital.

LATAR BELAKANG AKADEMIK

Ijazah Sarjana Muda Komunikasi Massa (Kepujian) Penyerahan

Universiti Teknologi MARA (UiTM), 2007


BIDANG KEPAKARAN

- Mahir menggunakan TV, radio dan media dengan pengalaman lebih daripada 12 tahun.
- Pakar dalam pengurusan personal dan projek dengan semangat untuk mencipta idea terbaik yang menghiburkan dan memberi inspirasi.
- Kepakaran utama dan khusus dalam produksi TV & Komersial, Hots TV, Penyeri Radio, dan lebih suara profesional.
- Pada masa ini memberi tumpuan kepada kandungan dan pengeluaran perniagaan digital.

KEMAHIRAN

- Produk TV, Komersial, Drama dan Kandungan Berjenama.
- Produk Digital: FB & IG Live.
- Hots
- TV dan digital.
- Penyampai Radio (Koolfm & Hotfm).
- Professional
- Voice Over Talent (Komersial dan program TV - Muzik-Muzik, Anugerah Juara Lagu, Anugerah Seri Nini)

Profil penceramah: Nuar Storyteller



Ucapan perasmian penutup oleh
Rektor UiTM Perak

merealisasikan pembentukan budaya keusahawanan dalam kalangan pelajar di UiTM Perak.

Di pengakhiran program, satu majlis penutup diadakan bagi meraikan peserta yang telah berjaya mengikuti program PIEP yang julung kali diadakan di UiTM Perak. Rektor UiTM Cawangan Perak iaitu, Yang Berbahagia Profesor Ts Sr Dr Md Yusof Hamid telah berbesar hati merasmikan majlis penutup yang diadakan secara maya. Para peserta telah berpeluang memenangi baucer dan insentif perniagaan dengan jumlah terkumpul bernilai RM4,750. Antara kategori yang dipertandingkan untuk program ini adalah terdiri daripada pemenang keseluruhan iaitu untuk tempat pertama, kedua & ketiga, inovasi perniagaan terbaik, keuntungan terbanyak, pembentang terbaik dan tiga orang mentor terbaik.

Peserta terbaik program iaitu saudari Nur Hanis Salwa Norishan menerima hadiah yang agak lumayan iaitu baucer beserta insentif perniagaan berjumlah RM600. Beliau yang juga memenangi hadiah inovasi perniagaan dan keuntungan terbanyak merupakan penuntut Diploma Perakaunan yang mengusahakan perniagaan berasaskan tudung. Pemenang tempat kedua, saudara Wan Iman Amzar Wae-Arsae Salaeh pula merupakan usahawan muda yang menawarkan perkhidmatan gunting rambut. Beliau membawa pulang baucer bernilai RM475. Manakala saudari Nurul Izzah Natasha Mohd Anuar yang merupakan usahawan berasaskan produk makanan seperti popia dan sushi telah memperoleh hadiah berupa baucer bernilai RM350. Nurul Izzah Natasha juga merupakan pembentang terbaik bagi program PIEP 2021/2022.


Secara keseluruhannya, program ini berjaya mencapai objektifnya iaitu untuk memberi bimbingan keusahawanan, meningkatkan pengetahuan melalui bengkel-bengkel yang disediakan seterusnya perkongsian ilmu dan pengalaman melalui mentor perniagaan masing-masing. Kesemua peserta juga dibekalkan dengan saguhati berupa insentif perniagaan bernilai RM100 setiap seorang. Walaupun jumlahnya tidak banyak namun diharapkan usahawan-usahawan muda ini lebih bersemangat dan bermotivasi dalam mendepani cabaran di kemudian hari. Diharapkan program seperti ini dapat diteruskan pada siri yang akan datang bagi menyuntik semangat keusahawanan dalam kalangan pelajar UiTM seterusnya menyokong agenda universiti yang menggalakkan penglibatan pelajar dalam bidang keusahawanan.



Perniagaan tudung Nur Hanis Salwa



Wan Iman Amzar sedang tekun menggunting rambut pelanggan



Produk popia hasil air tangan Nurul Izzah Natasha